

太乙統宗寶鑑

太乙統宗寶鑑卷第五

明天子巡狩之期術

巡狩者巡所守也春省耕而不補足秋省斂而助
不給是以古者帝王莫不巡狩所過存問高年恤
慰疾苦賜以穀帛此古巡狩之風焉經曰欲知天
子巡狩之年當視太乙與天目在四維之歲則為
巡狩之期若不巡狩則御御親臨百僚陪列達
使接行風俗即敬事之意也欲知出何方以天目文

昌折臨而決之乃隨數轉而行也太乙因挾格對
之下是謂行期之月

主目在陰德出東方

主目在和德出南方

主目在太炁出西方

主目在大武出北方

明郡國主進賢良之術期

國之存亡在乎相人之死生在手將安可使頑童

庸僕而當軍國重任哉古之所以移符州郡求防
賢良而舉進之政唐虞之世在野無遺賢商周
之時莘野伊尹傅巖傳說渭濱太公隱者莫不
皆起然必待夫元愷之舉者奔聘弔之召者湯
圖象之營求者高宗遊獵之乞物者文王此賢士
之逸未嘗有奔競躁進之心也孟子曰古之人未嘗
不欲仕也而惡不由其道也自周衰而後避世匿
名之士不肯與人同志如楚狂之歌沮溺之語晨

門荷黃之嘆同鳥獸之群快草木之腐以自棄
其生於無用之地夫子所以有不仕無義之嘆自是
以下舉逸民之君有如漢祖卑辭厚禮以迎四皓
光武旌帛蒲輪以聘嚴光德宗以諫議大夫而招
楊城陽非不動也而三子之出處僅若此況有假隱
沽名之人如盧隱藏周之圖於終南司馬承禎指
為仕宦之捷徑韓愈謂盧仝有少室山人索價
高兩以諫官招不起之語是盜名於暗世者也

古之所以崇尚名節移符四方求賢良方正
通藝之士班之朝列何患王庭之不肅邦桀之不
清哉古法曰欲知郡國舉賢良方正通藝之士須
在歲計天地人三才算具之年則郡國舉之也經
曰若歲計遇十六紀上之算則為天地人三才數具
則舉之若算在十五已下是謂不具則不舉矣余
淳風王希明皆云雖然天地人三才算具又須是亥
卯未三合之年則為舉矣

明人君出師畧地術

古者出兵天子萬乘諸侯千乘大夫百乘以乘
計之甲士三人步卒七十二人若萬乘則甲三萬
卒七十二萬也若千乘則甲士三千卒七萬二千
也若百乘則甲士三百卒七千二百也兵志曰國
雖安忘戰必危太史公有言鞭撻不可廢於家郡也
罰不可弛於國征伐不可偃於天下豈尤作亂三
苗爲遂此豈可以德化邪經曰兵者不祥之器不

得已而用之先王知其不得已故繕脩軍器以備
不虞也

經曰行師必出其門畧地并用其二古法曰人君
興出畧及安置軍屯者如算得單二十二三十三五
將發三門具其方可出兵畧地擇利便以出軍兵故
曰畧地并用其二也出其門者謂出關休生三門之
言也用三門不具五將不發不可出兵張良云其
門者謂出關休生三門之言也用其二者謂算得

之數也二為大威維宮之數為文明為戈甲人君
得巽正之氣日晶光耀大炎烘熾以興兵掃除禍
亂夫經天地者莫過於文定禍亂者莫過於武二
者國之大柄也故稱人君之德乃神乃聖乃武乃
文蓋美二離之深意也

唐僖宗乾符四年丁酉歲太乙入第五紀庚子元
第五十八局太乙在四宮文昌在陰德主算得
十二主大將在二宮主察將在六宮始擊在天

遁客算二十六宮大將在六宮衆將在八宮
其年黃巢聚萬餘攻陷鄆州等郡主算十
二以應黃巢畧地攻陷城邑莫能禦之應也時
方安居此是黃巢先起為主勝之驗

明三門具不具之術

三門者開休生三門是也具不具者猶備與不備
美與不與之謂也古法曰太乙天目在開生二門下
為之兩門不具蓋開門與杜門相對所向塞而

不通生門與死門相對所向有凶隨之謂去吉地
而向凶門也其言二門不具者有景門小吉在杜死
門之中也若太乙天目在休門之下謂之三門不具休
門與景門相對其左右迫之於杜死凶門故為三門
不具此三門不具之時不利興兵如太乙天目不在開
休生三門之下利為門具謂避凶而迎吉棄死而就
生利以興兵所向通美而獲勝矣歲月日時計同
若分野州郡非太乙所臨之宮遇開休生三門為大

吉景門小吉杜死傷三門大吉驚門小凶已載於
第二八門通變之下茲不再述

明五將發不發之術

五將者太乙上下二目主客大小將是也屬之五行
言之五將也發與不發者猶興與不_興行_興否與不否
之義也古法曰始擊時無掩擊文昌將無囚迫主
客大小將無相關此為之將法也發者興否也
兵強將勇發而必中舉而_成成若始擊達於掩擊

文昌值於因迫主客大小將相關之時不為之
將發也經云三門不具不可出兵五將不發不言
可戰若三門具五將發八門開通路道青虛宜以
出兵自然相會無不勝也三門不具不可出兵五
將不發不可臨戰亦自然相會舊說云客四將
就太乙為五將又云主客大小四將與天目為五
將又經云太乙為監將同定計目及文昌始擊主
客大小將是為九將論五將發與不發者惟天目

主客大小將是為五將也文昌始舉總天目太乙之輔相之謂歟

明長短之數以占緩急術

經曰天目所得之算有長有短有緩有急得之數長者可久速而事之宜緩也得之算短者乃促逼而事之宜急也故經曰短之以短長之以長長者利緩而深入短者利急速而淺為長算為勝短算為負數之十一以上為長十一以下為短長當緩

動不須急攻短當急動不利深入矣

唐太宗貞觀四年庚寅歲太乙入第一紀甲子
元二十七局太乙在一宮文昌在和德主算得
三十一主大將在一宮囚主參將在三宮與天
目囚始擊在高叢客算得二十八算和客大
將在一宮客參將在一宮其年算長利以深
入正月遣李靖帥驍騎三千自馬邑進襲定
襄大破突厥頡利可汗李靖出雲中突厥敗

於白道大破之二月李靖破頡利可汗於陰山
斬首萬餘俘男女十餘萬頭畜數十款三月突厥
可漢回夷君長至長安沙漠之地遂一為空此
主主算長例以深入得獲之驗也

明多少之數占勝負術

經曰算得多少以明勝負者謂客以多算臨少算
則主人敗客以少算臨多算則主人勝皆知用兵之
有機而不知用兵之有術兵之為用本之以數而

出入乎機者也。數定之於內而後機應之於外。故於未戰之前而決之以妙算，可以知其勝負之所在。古之人故有運籌帷幄，折衝樽俎者，誠欲先定其主客之數也。故法曰：高之以廊廟之論，此正數出奇，歆靈上制勝於兩楹，而以成其廟算也。是以孫子曰：未戰而廟算勝者，得算多也；未戰而算不勝者，得算少也。多算勝，少算不勝，而況於無算乎？無算者，拙塞之謂也。

唐明皇天寶十五年丙申歲太乙入第三紀成
子元第九局太乙在三宮文昌在和德因主算
得單三算少不和主大將在三宮因主叅將在下
宮發始擊在太簇客算得十五算雖多客大小
杜塞其年安祿山僭號於東都稱大燕改元聖
武時聞東河北諸郡皆陷然客以多算臨少馬
勝蓋客大將杜塞無門亦祿山父子不久敗亡
之驗也

明內外以占攻擊術

經曰算有內外以占攻擊者為天目在前為內可
以救外在後為外可以攻內天目在外為孤在內為處
敵舉百事於外得外算臨之為吉敵舉百事於內
得內算臨之為吉自陰德至大陽而為內自大昊至
陽主而為外

唐肅宗至德二年丁酉歲太乙入第三紀戊子
元第十局太乙在四宮昌文在呂申主算得單

一始擊在陰德客算得十二局其年天目在內地可以攻外九月元帥廣平王俶與郭子儀將朔方等軍及回紇西城之衆同漢兵二十萬收復西京殺賊六餘萬嵇山之子慶緒遁走河北十一月車駕還京十二月太上皇自蜀歸咸陽上備法駕迎於望賢宮此天目在內利於攻外自然之應

明太乙居天內天外以助主客術

經四算有孤單以占成敗者謂一三七九為數之單
陽也二四六八為數之單陰也又經云數得一十三
十為孤陽二十四十為孤陰單陽孤陽不利於主單
陰孤陰不利於客單陽孤陽併之而為重陽單陽
孤陰併之而為重陰重陽厄火重陰厄水歲計遇
之人君悔過修德以消雷變

唐昭宗光化三年庚申歲太乙入第五紀壬
子元第九局太乙在三宮文昌在和德主算得

車三為車陽主大將在三宮囚其年十一月中
尉劉季述王仲先樞密使王彥範薛平偃等
陰謀廢立時昭帝殲苑中夜醉歸手殺黃門
侍女數人劉季述謂崔徽曰主上所為如是豈
可理天下徽謂死不敢違乃扶上與后同輦通
少陽院劉季述以銀槌盡地數十乃以手鎖少
陽院門鎔鐵固之遣李軍副使李希虔將兵
圍衛穴牆以通飲食劉季述等矯詔令太子

裕暨國忠帝於院以應平陽凶變之故也

明數有所主以占凶吉術

經曰數有所主以占吉凶者謂算中得十為將軍
五為吏士一為兵卒無此算者即為不備為凶若
算得十六以上者算長曰和而又將與吏士兵卒
皆具利與兵師宜舉百事若十六之下不為數
長軍九以下是謂將吏士卒皆不具之年不利與
兵百事皆忌如主算得不具則為客凶矣古法曰

將軍吏士兵卒三者之數闕一不可其若有一不
具即為不利也如軍中無十為無將也與師則為
主將不利如軍中無五為無吏士也與師則為
副將不利如軍中無一為先兵卒也與師則兵卒
不利數取十為將者舉其盈算也蓋將有統重
之衆為五為吏者取其中數也有參則攝下之
衆為一為兵卒者取其微數也為衆卒之衆為
唐明皇天寶十載辛卯歲太乙入第三紀戊子

元第四局太乙在二宮文昌在陰德主算二十
五八門杜主大將主參將中宮始擊在陽德
客算得十七將吏士卒皆備其年南蠻寇邊楊
國忠遣劔南節度使鮮于仲通討之王師大敗
喪甲士二十萬衆至無還者蓋主算杜塞無門
客算主將吏士卒皆具南蠻先動而利客不利
主之驗也

明主客以分先後動靜術

經曰主客者先後之礼動靜之義也古法謂陳
兵原野旗鼓相望先動者為客後動者為主
安居之代先舉者為主後應者為客若得三
門具五將發陰陽和利以興兵所向必克先
起勝後起負也若主客計三門不具五將不
發陰陽不利則不利舉兵宜乎固守為言其
若興兵必敗後起者勝若主客計一吉一凶
則利主之時主勝利客之時客勝若主客計

凶吉相等則相長者為勝，筭短者為敗。欲知
主客出入所之者，以主目近四維之神而記其
所之，東出以陰德，南出以和德，西出以大吳，此出
以大武而為始發之神，以定主客所起所歸之神
也。審而用之，則不致覆軍殺將之禍矣。主欲知客
視其筭可以知之，客欲知主視其筭可以知之。夫
太乙所在，明天道之逆順；主客之計，察筭數之勝
衰。務在欽順天時，以行權變。故主人者，兵之所歸。

客人者兵之所起古者為客最難先起不易
故重審定計以辨安危假令晉秦安居王帛
交聘秦忽興兵伐晉雖入晉境秦猶得主人之計
也晉人為客更須重審定計或謂先起者不易
則秦人當有定計乎答曰凡言先起者有三其一
曰陳兵原野旗鼓相望先起者不易為客比日
計持之先起者其二曰彼以置營負險帶水我以
往擊之先起為難也其三曰連年兵革相侵彼

有形勢之固我性仗之先起為難之三也如安
居之代則以興事先起者為主人之計不取重密
定計裁凡歲計欲明天通審察遲速先觀主
烈次察客烈以明勝棄而別休咎則災祥可量
唐朝宗乾寧三年丙辰歲太乙入第五紀壬
子元第五局太乙在二宮文昌在陰德主昇
得二十五主大將杜塞無門始擊在呂中客
算得十四和客大將在四宮發客泰將在二

官其年鳳翔李茂貞興兵逼京師上令譚
王通等統安聖捧聖保寧史元四軍禦之
接戰不利上將幸太原韓建請駐蹕華州上
從之於是李茂貞乘兵入長安燔宮室市
肆俱盡其年主算杜塞客弄門具將發以
應李茂貞逼京師之驗也

明内外大臣輔相賢否之術

註曰欲知國中輔相大臣賢否者以呂中加歲

位視文昌祈禱如在生炁旺相之方君得大臣
輔贊相位忠良有王佐之畧如文昌在死囚休廢
炁之鄉則左右任於小人非忠良賢哲之相矣如
占他國輔佐之臣以呂申加歲位視始擊所歸入
在生炁旺相之方其君德明臣輔佐若始擊在
死囚休廢無炁之地小人專權左右不得忠良之
臣也歲月日時四計可以同推

明內外將帥賢否之術

經曰欽知國中元戎將相賢否者以呂申加歲
位視主大將所臨如在生旺有祿之宮即元戎大
將忠良輔國知勇仁信可堪重在如主大將在死
囚休廢無祿之功則元戎大將無謀畧之才任事
必敗無福祿之人也如占他國將相賢否仍以呂申
加歲位視客大將所臨則與前占一同如更在死
門之下將帥必亡其身也

明太乙大小諸將旺相死囚宮辰所在

經曰以太乙諸將所屬在同類之官為旺如大見
大金見金而為旺也生我者為相於金見土如
大見木為相也我生者為休如大見土金見水我
克者為囚如大見金金見木克我者為死如大見
水金見火以此為例而全明也

太乙統宗寶鑑卷第五

太乙統宗寶鑑卷第六

明太歲與太乙相格所主術

經曰太歲之君人君之衆也率領諸神統正方位
轉運時序總成歲君以太乙上元門闕之初建行
於子辰一迂十二年而爲一周凡國家巡狩省方
出師畧地開拓封疆不可抵向其君若歲計與
太歲相格其年大凶格易也經曰太歲格太乙主
有崩亡兵役之事也

太乙在三宮太歲在未申為格當有彗星西方
出助太歲東北國前敗西南國後敗若彗星出
東北方則反之西南國前敗東北國後敗又主流
亡疾疫之事

太乙在四宮太乙在酉為格當有太白出西方助太
歲東國前敗西國後敗若歲星出東方則反之
西國前敗東國後敗西國乃兵革流亡疾病為
相格在絕炁之宮故也

太乙在九宮太乙在戌亥為格當有彗孛出北方助太歲東南國前敗西北國後敗若彗孛出西南則及之西北國前敗東南國後敗及主兵革喪亡疾病為相格在絕陰絕陽之宮故也若太乙前在八三四九之宮來格午未申酉戌亥之太歲皆有殺氣妖星等類見其方君主宜修德行政以禳之仍宜改元肆赦革政更令以應格易之變也

明太陰與太乙二目同併所生術

經曰陰者歲德之后也總御郡靈主盟陰教常
居歲后二辰所履之宮忌與二同同併宋琨李
淳風云歲在四季並太陰大將軍合於四仲名
曰邵魄二目加之后妃懷二女主挾謀古經云歲
計太乙與太陰相併其年必有隣國進貢婉泚
之女入奉王庭若文昌與太陰併相憂上相相與
女主挾謀之事若始擊與太陰相併憂上將與

后妃懷二之事被刺者尤甚在四仲郡醜之年凶
殃愈深人君值此之年宜親近忠良疎遠諂佞
抑宦官絕女謁防微杜漸以革其弊夫乾為剛
德君道也夫道也無剛德者理家則婦人用事
治國則臣下侵權古者嗣主童幼百官聽於冢
宰母後始無預政事終文成君長自臨事乎若權
柄任於女主左右任於小人驕盛嗜慾禍亂不可
勝哉故人君防患宜謹慎也

明文昌變化所主術

經曰文昌六星在斗魁前近內階也天之府集計
天道號文昌屬主人之目中宮鎮星之精受土德
之正炁其神旺於四季佐太乙為相輔上將掌天
下人吉凶無窮之事預先知也皆從弄於太乙前
而止不敢越犯也若犯太乙宮為囚囚則不利於
止若在易絕之地弄數虧者君之灾若太乙前
一宮名曰外宮迫主下奸謀在太乙後一宮名曰內

追主臣下內亂占在同姓內臣或後宮女子之私
差遇太乙相衝名曰對主臣下失紀王綱格正
有僭拒沈機之意如加凶門而得天內天禽天
英天柱天蓬必有臣下謀上如與始擊同宮名曰
二目相闕則狂相勝如在一八三七之宮主勝客
敗如在四九二六之宮客勝主敗也如太乙在一宮
天目在九宮名對有變相輔之灾太乙在二宮
天目在八宮有變君父之灾太乙在六宮天目在

四宮有變軍輔大將之災太乙在七宮天目在
三宮有變君又之災如太乙在旺相之宮主君
誅臣下皆以五行旺相推之此天目之變也

明始擊變化所主術

經曰始擊者災威之精受大德之正炁而方夏
火祀也親地禮虧視失行度無常出則有兵入
則兵散號始擊屬客人之目也旺於夏季佐
太乙為相輔上將統御威武總領戰伐掌兵機

運動無窮之事預先知也皆從筭於太乙宮前
而止不敢越犯也若犯太乙宮為掩主兵戈篡廢
之事會歲計歷數太陽陽主之下其驗明矣若
始繫在太乙一宮左右宮間之神明擊擊者擊
扶通迫之義上凌下替有兵逆廢戮奔反之禍人
君將相皆畏之若與文昌同宮為二目相開未
旺相宮者勝始繫在四九二六之宮為客勝在一
八三七之宮為主勝若掩主大將主參將者不

論狂相常者必死敗也凡始擊經行次舍分也
皆主國命為亂為賊為疾為喪為飢為兵人
君宜修德行政祗畏天成孫子曰天地孰得斯氏
之萬幸也甲乙歲其法以本年納音為始擊之屬
如甲子即

金為始擊之屬

木為始擊東夷兵起丹行事興其歲豐稔
火為始擊南蠻兵動夏旱火熱民流疾亡陷分

野火災暴兵若在大乙丙丁下者其城必有大大炎旱之災及暴兵

土為始擊中宮兵動如遇與太乙掩迫格者
臣下謀上亦主廢將輔及土工興作

金為始擊西戎兵起則東國敗也

水為始擊北狄兵起算和則東有和親歲稔
大水

丙丁歲

木為始擊春冬東夷國人有和親事

火為始擊南蠻兵動大旱兵飢疾病

金為始擊西戎有兵金銅貴重臣被誅

土為始擊東夷兵起居中宮

水為始擊北狄兵起夏大水民流亡

戊巳歲

木為始擊東夷兵起

火為始擊南方有兵蝗虫為灾穀貴大旱民

流

土為始擊主中宮憂土興工山崩地震

金為始擊西戎兵起北狄交爭

水為始擊主征戰北狄大臣 夏旱冬大雪雨

庚辛歲

水為始擊東夷兵興民流移及西戎兵動

火為始擊南蠻兵動中國火災必有掩捕襲奪

之事歲金銅貴

土為始擊民豐樂夏大水

金為始擊兩戎兵起

水為始擊北狄兵起

壬癸歲

木為始擊東夷兵疾

火為始擊南蠻多災夏旱赤地千里秋大水冬

霜雪

土為始擊中國有兵

金為始擊西戎獻寶大豐民安

水為始擊西北兵侵冬大寒霜雪殺物

凡諸經論火為始擊者非也其神受天地擊搏之
炁以成其行實熒惑之精也

明始擊加臨二十八舍所主術

古經云始擊者熒惑之精隨歲計所迂加臨二
十八舍於歲中各有所主之事

東方七舍

角大人有憂兵出

亢氏有疾疫之災

氏內有叛臣害中防火

房人君將相有憂

心太子諸王有憂

尾後害有驚恐居妃有災

箕兵起士卒流亡

北方七舍

斗臣失爵祿閔梁開塞

牛糴貴民飢饉牲多死

女后妃有疾病憂大災

虛諸侯有憂改正令行赦宥

危歲多疾病主起兵

實災人匿謀賊不收

璧文章與兵發

西方七舍

奎臣下為孽

葉林有寇寧道路不通

胃五穀不食有兵

昂胡人病燕趙兵起

畢邊兵刑罰征討

嘴將叛牛馬急行

參宮室有移動事將有憂

南方七舍

井川漬滿溫小兵動

鬼后妃失勢民多疾病

柳氏飢荒多流亡

星熒火災

張禮義多變易

翼陰陽失序多雨水

珍有大喪亡事

宋琨曰樂產李淳風云古法常以計神加和德視始
擊所臨之下見何星以察休咎其理明也又推歲計太
乙所迁入宮之年淺深為變如太乙理天之歲則當
第一星理地之歲則當第二星理人之星則當第
三星其或始擊不在子午卯酉四正之宮止臨一宿

者則本宿當之有二星者中分之則轄一年矣只以太乙所迂前後淺深而為期也

明主大將主參將所主之術

經曰主大將者太白之精受金德之正氣西方秋金之義也信也義虧信失則罰見進退亂紀流亡為兵為喪若犯太乙宮為爭明明大國弱小國強女主昌又太白主大匠其號上公明司馬故曰主大將也犯太乙宮為爭明明又為囚必有筭戰之禍若

太乙在絕陽之地君主之災若乘四九二七之宮與
太乙同併者輔將之災在陽杜驚門之下又與天
蓬天內天柱天衝之下者大將死如與客大將始擊
關因於凶門之下客大將死之凡出軍征伐不關因
凶星凶門之下若在丙丁下主大將死如與太乙同
宮相對名曰格格者隔絕杜塞之謂也上下格
絕君不敏於臣下臣不忠於君上若太乙前後之
宮曰迫皆臣下圍迫於上也主參將者大將宮數

故三因取之入宮禪護大將而為衆副也因金生
之故其神屬水若與大小將自相同宮名曰閔閔
者互相閔防之意如一林有二虎一泉有二蛟衆
旺宮者勝若值死絕之地而又在凶門凶星之下
或庚辛臨之出兵定損衆將必死又不可臨犯
太乙之宮名曰無禮迫下欺上之意

明客大將客衆將所主之術

經曰客大將者辰星之精無受水德之正炁北方冬

水智也。穗也。智虧穗失則罰見兵刑寒暑失節。
邦國大飢其神寧兵利得失爲廷尉之象。燕趙
北狄蠻夷皆主之故曰客大將也。若臨太乙之宮
在三七之位其年地有震動之變犬小將同亦動。
若同太乙在一八宮者其年大水若近太乙宮前後爲
迫迫者逼挾之義。下迫其上人君慎之亦主外國
來覲也。當視其十干甲乙東國丙丁南國庚辛西
國壬庚北國也。戊己中國自起兵也。與文昌同宮。

名提提者提提持擲之義主臣下外國有謀主大將同宮為關互相關防爭敵之義如太乙在天內助主則主人勝太乙在天外助客則客人勝如與計神同宮名曰謀主臣下有篡弑之象焉客衆將者在大將之前故三因取之為客衆將副大將輔於客也其神因水德以生故屬於水如值囚迫格挾之年衆將不利有為大小將自相同宮為之相關乘生旺者勝與主衆將同宮防邊兵

爲亂所起在太乙宮下客大將并衆將唯忌在
山門山星庚辛之下皆不利爲客也客定計目
大將本經元無起自太乙術之以助客也其法幽
微故聖人隱此子房得之以助漢孔明得之以專
征伐此法玄奧不可以祇推之故附于客計之後
明太乙九星所直吉凶之術

經曰太乙九星者乃斗中之九星也二隱七彰在紫
微之北爲七政之樞機陰陽之元本也故運乎天

中臨馭四方以建四時而均五行也魁四星為璇撝杓三星為玉衡又為人君之象號令之主也又為帝車取乎運動之義其第一星曰樞二曰璇三曰機四曰權五曰衡六曰開陽七曰璣光一至四為魁五至七為杓樞為天璇為地璣為人權為時玉衡為音開陽為律璣光為呂又輔弼為參佐之星此從魁至杓以分九星所主

第一正星主陽德天子之象

樞天英也

第二曰法星主陰刑女主之象

旋天任也

第三曰令星主中過號令之象

璣天柱也

第四曰伐星主理伐無道之事

權天心也

第五曰殺星主中央四方殺有罪之事

衡天禽也

第六曰危星主倉庫五穀之事

開陽天輔也

第七曰部星主兵戈殺法之事

璿先天衡也

第八曰彗星主戈甲盜賊法興之事

天內也

第九曰孛星主穢動不寧更易之事

天逢也

已上九星遇太乙掩迫關囚掣格提挾之年災發
如其所主如第一星曰樞乃正星天策也主陽德天
子之象禍如遇掩迫等變則國君之災也如第四星
曰權乃法星天心也主理伐無道如遇掩迫等變則
興兵理伐無道也又曰一主天一主地三主火四主
水五主土六主木七主金又二曰左輔右弼名曰
玄戈招搖也故連九星二隱七彰主于九土四吉五
凶其數雖同其用則異者變通之謂也故分配太

乙九宮以司天人之事所謂璇機權衡開陽搖
光玄戈招搖九星事也因九星而九星宮於是禹
治洪水定為九州象以龜形寄言九丘是也

一天蓬六戊星在斗之柄天倉招搖是也主

一宮乾位箕之州分四星也以從杓至魁分九宮

二天內六己星在斗之玄戈主二宮離位荆州之分
四星也

三天衡六庚星在斗之璣光主三宮艮位青州

之分凶星也

四天輔六辛星在斗之開陽主四宮震位徐州之分吉星也

五天禽六壬星在斗之衡主中位五宮豫州之分吉星也

六天心六癸星在斗之權主六宮兌位雍州之分吉星也

七天柱六丁星在斗之璣主七宮坤位梁益州

之分凶星也

八天任六丙星在斗之璇主八宮坎位兗州之分

吉星也

九天英六乙星在斗之福主九宮巽位揚州之

分凶星也

甲為直符之首星宮之使也因直符以配九星每星十年

一易九十年一小周九百年為之一大周九者完也象

其屈曲乃數之終曲也窮數曲則變上則通上則九

是以終而復始矣夫太乙九宮之星始於一終於九
竟而更始原始要終循環無端周流不息太乙以
宮為經以星為變觀其便視其經則思過半矣此
陰陽消長治亂之樞紐也太乙以言長為義聖人
則知所以經天下也

九星入宮定位遷臨圖

王
衛
大
士

五
宮
天
禽

五
宮
天
禽

五
宮
天
禽

五
宮
天
禽

五
宮
天
禽

五
宮
天
禽

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

王
衛
大
士

明九星行支干造化所主術

太乙元炁函三為一九星行於十二支辰各有次序也是故陰陽各得其炁鍾於子化生萬物孽萌於子子滋也言萬物茲於下也紐芽於丑丑者鈕者也言陽炁在上萬物為厄鈕未敢出也引達於寅寅者寅也言萬物盡出而茂盛也振美於辰辰者振也言萬物洗生而振美也已盛於巳巳者盛也言陽數成六炁已盛也芳布於午午者布

也陰道著明而布散也昧愛於昧昧者昧也言萬
物有成而滋味申堅於申申者堅重也言陰炁之
賦萬物而堅申也留熱於酉言萬物熟老而稽留
也畢入於戌言陰炁用事萬物盡畢陽炁而無餘
也該關於亥言陽炁藏於下該亥也出甲於甲言
萬物剖物甲而出也奮發於乙言萬物生於乾
也明炳於丙言陽道著明也大盛於丁萬物丁
壯而榮也豐盛於戊言萬物之茂盛也理紀於

已言萬物有成而祀紀之義也歛更於庚言萬物
收歛而變更也息遷新於辛言萬物幸瞑而夕也懷
任於壬言陽炁任養萬物於下也陳揆於癸言萬物
可揆度而有折歸也歸者數之終也十干為陽天之
干也十二支為陰地之支也九星行於天干地支之間則
九十年為一小周九百年為一大周周而復始

置演上古上元甲子至所求積年以九星大周法九百去
之不盡以小周法九十去之不盡為星週餘以星率

下約之而一所得為星宮之數不盡為入星宮以乘
年數其星命起天蓬順行九星算外即九星直符所
在其年數

一天蓬

二天內

三天衝

四天輔

五天禽

六天心

七天柱

八天任

九天英使

推之法六甲為九星之元首星宮之符使也凡所求
在六甲之年即命就加於所求直符之宮是以伏宮

之辨也如六乙之年即以所求直符加於六乙之宮乃
天英星九宮是也又如六丙年即以所求直符加於六
丙之宮乃天任星八宮是也餘皆准此假令六丙年
求天蓬為直符即命一天蓬加於八宮天任之上次即
二天內臨在九宮三天衝臨於一宮四天符臨於二宮
五天禽臨於三宮六天心臨於四宮七天柱臨於五宮
八天任臨於六宮九天英臨於七宮是也九星所臨視
太乙左右前後有無掩迫關囚擊格提挾以明休咎

明文昌九宮所主分野術

大文昌九宮者其始原於太乙分而為天地轉而為
陰陽變而為四時列而為八卦定而為九宮故經曰
太乙之尊元始初分而為一炁十炁分而為二儀炁二儀之合
遂有三才以乘三而得九宮故有九星之名焉又以三
乘九而得二十有七乃七星之變宮周之竟矣九宮
其一曰文昌二曰玄武三曰明雄四曰陰德五曰招搖六
曰華明七曰玄武八曰玄冥九曰雄明古人因義立象因

象取名推之而得應驗者其理必有深趣也每
星十年行一宮而為直事命加所求年干之宮視之
所臨分野以推吉凶而變於甲乙之下其分野有疾
風雷之災年月尤甚丙丁之下其分也有火旱之災口
舌妖言年月尤甚庚辛之下其分也有兵戈盜賊攻
戰死喪之災年月尤甚壬癸之下其分也有震沆淋
雨大水之災及后妃不安之事戊己之下其分也有土
工墮幾崩陷喪亡之災會於太乙宮者為災重臨

格迫攀挾之方次之余雖所祀皆空

一曰文昌乾宮之祇有壬主冀州

二曰玄鳳離宮之祇有丁主荆州

三曰明雄艮宮之祇有甲主青州

四曰除德震宮之祇有乙主豫州

五曰招搖坤宮之祇有戊己主豫州

六曰華明兌宮之祇有辛主雍州

七曰玄武神宮之祇有庚主梁益州

八曰玄冥坎宮之祇有癸主兗州

九曰推明巽宮之祇有丙主楊州

推之法置上古上元甲子至所求積年以文昌大周法
二千七百除之不盡以小周法二百七十去之不滿為
宮周余以宮率三年約之而一所得為宮數不盡為
入宮以來年數其宮命起一宮文昌順行九宮算外即
得入宮直事所在其年數

明太乙之數原本所主術

夫太乙之數原本自天出於黃帝後世失之泥於

數而昧於理故知其太乙者鮮矣大哉黃帝踐祚風
后漢之以前前氏用所由來也有理有數有始有終於
是天子當陽宮祗為輔諸侯北面而朝之四民布列
貴賤有差上不陵下下不適上適政教中以播四方天下
和洽風雨順序年穀豐登三光全寒暑平內外治
君臣睦國乃不惑也家人有嚴君焉子孫之表也
級而上之曰大夫曰諸侯曰天子天下國家之表也君
仁莫不仁君義莫不義表範不雅化焉仇敵可不

慎與夫太乙至矣哉外闢龍圖內列龜文天地之
所以位君臣父子夫婦之所以主陰陽晝夜之所以
分山川地理之所以流峙品物萬彙之所以蕃殖則太
乙之理貫於其中矣明斯數者而知天地陰陽之道
也太乙之德其盛已乎天子德之四海寧諸將得之
社稷不傾大夫之家政乃平士庶德之在醜不爭是
故君子博洽以研其治古之明王慎斯術而行於禁
者以塞小人禍亂之原也

明君基太乙所主術

經曰君基太乙者人君之象也故直事之邦能守其
疆終焉侯王不能守其疆戈甲飛揚謂君基所
臨之邦其君脩德上符天道下合民心則其化阜平
民登富壽兵強將勇遠近歸服其若人君妄興徭
役竊弄戈干曲施賦歛廣營宮室則主水旱災傷
兵革疾疫災害並臻一曰君基所在之邦其地宜進
獻珍羞以供聖躬人主宜服其地或幸其方以順天

通服者整也

君基與五福同宮皇室鞏固海宇肅清君國有壽
祥福瑞之慶 君基與臣基同宮君臣際會君治以
道臣輔克忠國殷民安萬物咸遂 君基與民基
同宮務農桑安百姓出入有名使以人時有逸時省
方觀民之象為民進賢於君主 君基與天乙金神
同宮出符文降謔命棘甲冑誓兵旅征不道伐不義
古者王事出兵行師執旄仗鉞衆士抗威所以征

致

叛遂止暴亂如此則君國致其禎祥其若好攻戰
百姓飾城郭侵邊境如此則不祥變異妖恠兵災
之咎生矣君基與乙土神同宮人君宜卑宮室去
奢侈息土功安百姓務農桑勸稼穡人安其業
如此則厥德永昌地生祥瑞天下豐和人得景命
唯新矣其若奢淫驕慢廣營宮苑綴珠玉粧嚴
過甚如此則兵火喪亡五谷荒儉民生灾疾為多
地生異類妖物 君基與直符火神同宮人君南

面嚮明而治賢倭分別官人有序率由舊章
敬重功勳殊別嫡庶晉文儒熙風化如此則居
國治昇平景貺之嘉祥也其若信道不篤諛倭
邪盛正廣營室興建臺榭吏等為酷百姓愁怨
致傷和氣如此則火旱災傷焚燒宮廟民多飢饉
疾疫大作而不利於君主也 君基與四神水星
同宮人君宜敬奉宗廟祀郊天地禱祭神祇嚴
肅齋戒崇重敬嚮以來福助古之聖主所以順

人事陰炁以和神人也及發號令明正刑罰亦奉天
時咸得其炁則陰陽調中始成以熙邦國通太
若乃簡宗廟不禱祠廢祭祀逆天時則主水暴
百川人民流溺淫雨為災而傷稼穡厥咎君矣
君基與大遊回宮大遊者凶神也其神所臨有兵
革水旱疾疫之禍君此時宜脩明德布號令命
將帥整戈甲進文儒行風化施恩宥察微訟宥
賦斂恤軍民以禦災咎之生其若妄興兵甲竊

弄干戈以謀開拓之功不恤生民之苦百姓愁怨
不永寧日如此則國耗民竭危亡之禍可坐而至
矣此大遊與君基同宮無德者殃兵災民困之故也
君基與小遊同宮小遊者東方木之監將歲星之精為
太乙之人君也君基屬土佐君君微為有土之君人之主
象也此二星皆為君象有主有客天之所以限南
北也君基二十年行一宮為一世乃有土之君主也小
遊三年行一宮乃遊畧之客君也君基為日小遊為

月日行其遲月行其疾此二星同宮則陰掩陽
蝕月掩日爾為爭之象蓋衆者以寡為之君寡
者以衆為之民今二君同宮陰陽理悖禍亂不可
勝哉人君知憂難之所存宜宣發詔令布恩澤
明刑罰修武備以禁其姦以制其寇或彰威耀
武君主親征以兵革之事

置上元甲子至所求積年加邦盈差二百五十以君
基大法周三千六百除之不盡以小周法三百六十去之

不盡為邦周餘以行邦率三十約之而一所得為邦
數不滿為入邦以來年數年起午邦順行十二辰次
算外而得君基太乙所在及年數君基命起午邦
者蓋人君之象聖人南面垂衣裳而治天下故命起
午邦順行中二宮辰次所貴符合聖人順天施化
下輔郡望之意也臣基同起午邦者蓋取君臣相
承翊贊王業不相離之機焉氏基起戌邦者以氏
基兆庶君下不可與聖帝賢臣同通而行也

唐明皇開元二年甲寅歲君基太乙入午邦洛
京之分其地人民當庶五穀豐登經十年聖駕
躬祀后土於汾陰墻側履古罪經十二年封東
嶽慶雲隨日重輪封太山神為天濟王時東都
米壹斗五文天下戶七百六萬九千五百六十五戶經
二十七年天下無事海內雄富兩都米斛不過三
百文錄繒帛亦如之行錄雖通萬里不持寸刃不置
一丈人民安逸夜戶不閉其太平如此至天寶三

年甲申歲君基方出洛京之分野

明臣基太乙所主術

經曰臣基太乙者輔相之象也其星紫微宮輔於大帝乃天上六宮之長下管二十八宿幹旋造化之機執持威福之柄所臨之邦其地人可引為文武之任於王室有憂也

臣基與五福同宮利為宰輔貴極人臣常親帝座任其大事當大安危臨大治亂皆治亨通所

臨分野人民豐稔世出英傑

臣基與民基同宮其下賢者進朝民安其業政
訟和平百姓豐厚

臣基與天乙金神同宮有橫逆不義侵於臣佐
其分兵盜

臣基與地乙土神同宮其分多主百工百姓失務

臣基與直符大神同宮其分礼法不中民無所措化焉

大旱

臣基與四神水宿同宮其分賦歛繁役以奪民財
而生水湯

臣基與大遊同宮政訟不平農失其務其分水旱兵
升飢饉疾疫

臣基與小遊同宮下陵於上君囚則臣宰輔不利所
臨分野諸侯自謀上下不協

置上元甲子至所求積年加邦盈差二百五十以臣基
太周法三百六十除之不盡以小周法三十六去之不尽

為邦周餘以行邦率三約之而一所得為邦數不滿
為入邦以來年數命起午邦順行十二辰次算外而得
臣基太乙所在及年數

唐太宗貞觀十六年壬寅臣基太乙入午邦洛京之
分其魏王泰上括地理志五百五十卷顏師古注
前漢書一百三十卷癸卯圖畫二十四臣凌煙閣
甲辰上謂使臣曰朕要聞已過卿等為言之散騎
常待劉洎曰有上書不稱旨者皆面躬詰無不慙

懼而退恐非所以廣開言路之意上曰卿言是也
當改矣此蓋臣基太乙所在君聖臣賢同得之
驗也

明民基太乙祈主術

經曰民基太乙者庶民之象也故曰民基所在之邦
其民富庶五谷豐登無兵蝗疾疫之灾

民基與五福同宮其民富壽賢福之人生於民家

民基與天乙金神同宮其分兵盜飢荒霜雪殺物人民不失

民基與地土神同宮其分主後民農傷稼穡冬谷穀多生疾患
民基與直符神火同宮其分火旱傷災飛蝗為害兵盜亦興
民基與四神水宿同宮其分水涝飢荒民多流蕩
民基與小遊同宮其分稼穡丰收及興兵伐之事

置上元甲子至所求積年加邦益差二百五十以民基大
法周三百六十除之不盡以小周法十二去之不盡為周
邦餘就命起成邦順行十二辰弄外即得民基太乙所在
三基者君基臣基民基君基乃有土之君故三十年行

一邦而為一世之君也臣基乃有土之臣故三年廷一
邦而為一考之臣也民基乃有土之民故一年一易也
所以務農桑去舊播新之謂故一年一易也聖人立
法制度以利天下其義有所取焉

唐太宗貞觀元年丁亥歲民基太乙未邦秦分
是歲正月乙酉朔大赦改元宴邸臣奏秦王破
陳樂曲上曰朕在藩邸屢有征討遂有此曲其
發揚蹈厲雖易其文容言其功業之由故批于

樂章示不忘其本也封德彝曰陛下以聖武戡亂
立極陳樂象德皇以文容焉比王曰朕雖以武功治
天下終以文德綏海內文武之道各隨其時謂文容
不如蹈厲斯言過矣德彝謝曰臣愚_昧何以知此蓋
民基所在之邦君同臣德民所安之應也

明五福太乙所主術

經曰五福太乙者上天賜福之神也所臨分野四十五
年理天十五年風調雨順四時合序八節安和理

地十五年山出美玉地產靈芝理人十五年世出美
傑而安國富享太平其神所在有五德一曰君壽
二曰國英三曰邊靜四曰臣賢五曰民安其行五宮其
一曰黃秘在酉河之乾地其二曰黃始在遼東之艮
地其三曰黃室在東吳之巽地其四曰黃廷在蜀
川之坤地其五玄室在洛邑之宮古今云五福所在
其君福殷其民富壽無兵革疾之事也

五福與君基同宮人君福壽祚享如同宮在初交

之始合生後儲太子如遇君基相衡之所至草寇之君
五福與臣基同宮福利輔宰如同宮在初交之始
賢相當生貴人之家

五福與民基同宮四民樂業天下熙和如同宮在初
交之始其分富貴人生於白屋之家

五福與四神同宮為福減損金有兵盜土有疫厲
民灾火有蝗旱水有淋雨川潰

起

五福與大將同宮為福減損兵盜旱不免有之明五福與利相

經曰夫五福吉筭之數若與五福同宮行其福各有
所利凡二百二十五年為一周四十五年行一屬不滿宮
法所餘者方知五福所到也

單主三十一四十一

福利於君主

單主三十三三十四三十五

福利主於王侯臣宰

單主三十三三十三三十四三十五

福利於后妃

單主三十四三十四三十四三十五

福利於太子

單主三十五三十五三十五三十六

福利於民

單六十六六十六

福利師帥

單七十七七十七

福利於將軍

單八十八八十八

福利於中將軍

單九十九九十九

福利於士卒

如五福同君基在陽宮則在陽君在陰宮則主人

宮貴后妃與君基在陰宮與五福對衡而尅制君

基者事起陰人截位及草賊基位其餘太乙凶神

與五神同宮則變災為福其災降於對衡之分

及水旱不免有之五福與小遊同宮有德者昌失
得者殃

置上元甲子至所求積年加宮五差一伯一十五以五
福大周法二千二百五十餘之不盡以小周法二百
二十五去之不盡為宮周餘以行宮率四十五約
之而一所得為宮數不滿為入宮以來年數其宮
命起乾民異冲中宮即得五福太乙所在及入宮
年數庚午武德七年甲申歲五福太乙入玄室

中宮洛京之分至丙戌八月九日上傳位于

太宗至丙寅貞觀四年斷天下死罪二十九歲致
刑措戶外不閉行旅不齎糧天下大治米粟一
斗三文四文此蓋五福太乙所在之分民豐樂產
業君聖臣賢太平之應也

太乙統宗寶鑑卷第六